



Broj: 04-40-1-287/24
Sarajevo, 14.10.2024. godine

Na osnovu dobivenih i obrađenih informacija od: općinskih operativnih centara civilne zaštite, Federalnog hidrometeorološkog zavoda, JU Zavoda za hitnu medicinsku pomoć Kantona Sarajevo, JU Zavod za javno zdravstvo Kantona Sarajevo, MUP-a Kantona Sarajevo, BIHAMK-a i drugih struktura zaštite i spašavanja formiranih na području Kantona Sarajevo, dojava građana, a u skladu sa članom 152. Zakona o zaštiti i spašavanju ljudi i materijalnih dobara od prirodnih i drugih nesreća („Službene novine Federacije BiH“, br. 39/03, 22/06 i 43/10) i čl. 14., 17. i 19. Pravilnika o organiziranju i funkcioniranju operativnih centara civilne zaštite („Službene novine Federacije BiH“, broj 9/19) dostavljamo Vam:

REDOVNI IZVJEŠTAJ
za period od 08:30 sati 13.10.2024. do 08:30 sati 14.10.2024. godine

Štab civilne zaštite Kantona Sarajevo (u daljnjem tekstu: Štab) je u skladu sa Odlukom Vlade Federacije Bosne i Hercegovine o proglašenju stanja prirodne nesreće uzrokovane poplavama i klizištima na području Federacije BiH, broj: 1520/2024 od 04.10.2024. godine i Naredbom Federalnog štaba civilne zaštite, broj: 12-04-3-432/24 od 04.10.2024. godine, u toku jučerašnjeg dana na ublažavanju i otklanjanju posljedica od poplava i klizišta na pogođenim područjima angažovao slijedeće strukture zaštite i spašavanja Kantona Sarajevo:

- na području Općine Jablanica, naselje Donja Jablanica, službe zaštite i spašavanja Kantona Sarajevo sa teškom mehanizacijom (pet bagera rovokopača i dva velika kamiona) sa posadama;
- na području Grada Konjica, naselje Buturović Polje i sela ispod planine Bitovinje na čišćenju puteva i korita vodotoka službe zaštite i spašavanja Kantona Sarajevo sa dvije radne mašine (buldožer CAT i bager CAT rovokopač) sa posadom.

U izvještajnom periodu Kantonalni operativni centar civilne zaštite primio je jednu informaciju o pronalasku NUS-a i to dana, 13.10.2024.godine u 12:55 sati od Policijske stanice Ilijaš, da je u naselju, Popovići bb, Općina Ilijaš, pronađena jedna minobacačka granata.

O primljenim informacijama obaviješteni su pripadnici Tima za UES Federalne uprave civilne zaštite, koji će pronađena neeksplozivna ubojna sredstva preuzeti u narednom periodu.

Općinski operativni centar civilne zaštite Stari Grad: Općinski štab civilne zaštite organizovao je 24-satno osmatranje terena na lokalitetima Curine njive i Bistrički potok. Izlaskom na lice mjesta uočeno je da su na terenu i dalje prisutne duboke pukotine koje su u međuvremenu napunjene vodom uslijed kišnih padavina, te da dolazi do pojave otjecanja vode iznad lokaliteta "Curine njive-igralište" (dio Općine Istočni Stari Grada Sarajevo).

Također je utvrđeno, da iznad dijela parcele igrališta na lokalitetu "Curine njive", a što predstavlja donju tačku nasipa/deponije od strane gradilišta "Hills" (sa lijeve strane), dolazi do pojava vode koja konstantno otječe, a ista ne predstavlja kišnicu ni oborinske vode sa Trebevića.

Napominjemo da je dana, 12.10.2024. godine, u jutarnjim satima, počelo je otkopavanje ranije postavljenih drenažnih cijevi na dijelu nasipa/deponije (u blizini gradnje stambeno-poslovnog objekta "Hills"), kako bi se podzemne vode preventivno preusmjerile na drugi lokalitet na području Općine Istočni Stari Grad Sarajevo.

Izlaskom na lokalitet Bistrički potok dana, 13.10.2024. godine utvrđeno je da je i dalje djelimično zasuto korito Bistričkog potoka materijalom sa deponije i obrušenim stablima. Nisu uočena nova obrušavanja materijala sa deponije u vidu zemljano-kamenog materijala i stabala.

Dana 14.10.2024.godine u noćnim i ranim jutarnjim satima planirano je redovno osmatranje terena od strane uposlenika Službe civilne zaštite Općine Stari Grad Sarajevo kao i službi zaštite i spašavanja Općine Stari Grad Sarajevo.

Kantonalna uprava civilne zaštite Kantona Sarajevo: Pripadnici Profesionalne vatrogasne jedinice Kantonalne uprave civilne zaštite Kantona Sarajevo u izvještajnom periodu imali su 8 manjih intervencija i to: 3 intervencije na gašenju zapaljenog smeća u kontejneru, jedna na gašenju zapaljenih el.instalacija, jedna na gašenju manjeg požara u ugostiteljskom objektu, jedna tehnička intervencija na otvaranju zaglavljanih vrata i dva obezbjeđenja tankovanja goriva na Međunarodnom aerodromu Sarajevo.

Iz ostalih općinskih operativnih centara civilne zaštite s područja Kantona Sarajevo, kao i od drugih davalaca informacija nisu dobivene relevantne informacije koje se odnose na prirodne nesreće ili druge pojave koje ugrožavaju živote i zdravlje ljude, kao i materijalna i kulturna dobra.

Elektrodistribucija Sarajevo: Snabdijevanje potrošača električnom energijom na području Kantona Sarajevo je uredno, osim pojedinih područja koja su bila planski isključena zbog izvođenja neophodnih radova na održavanju energetske postrojenja.

KJKP Sarajevogas: Svi potrošači u Kantonu Sarajevo su uredno snabdjeveni prirodnim gasom.

KJKP Vodovod i kanalizacija: Vodosnabdijevanje u Kantonu Sarajevo je uredno, osim u dijelovima pojedinih naselja gdje se vrše planske popravke kvarova na vodovodnoj mreži.

Federalni hidrometeorološki zavod: Jutros u 08:00 sati temperatura u Sarajevu na mjernoj stanici Bjelave je iznosila 11°C, vlažnost zraka 86%, barometarski pritisak 948,0 hPa.

BIHAMK: Saobraćaj se na području Kantonu Sarajevo odvija uredno, osim na dionicama gdje se izvode planirani radovi na kojima se saobraćaj odvija po posebnom režimu.

Prema informacijama prikupljenih od dežurnih dispečera i informativnih službi **KJKP GRAS, Centrotrans – Eurolines d.d. i JP Željeznice Federacije BiH**, gradski, međugradski i željeznički saobraćaj se odvijaju po redu vožnje.

PO OVLAŠTENJU DIREKTORA
ŠEF CENTRA

Fahrudin Pribišić

Dostavljeno:

- Predsjedavajućem Skupštine Kantona Sarajevo
- Premijeru Kantona Sarajevo
- Direktor KUCZ Kantona Sarajevo
- Komandantu Štaba CZ Kantona Sarajevo
- Federalnom operativnom centru civilne zaštite
- a/a